


LEZOKO FESTETAN



Daniel Garbizu Salaberria «Iruzuki»

Lezon festak ditugu
txit zorunak
ongi etorri bitez
jai'egunak;
ta eliz dorreko ezkil'ots
legunak
alaïtu bitza biotz
euskaldunak.

2

Txistulariak dira
goiz jotzaile
su-ziri otsa gure
esnatzaile;
ta guztiok izanik
jeiki zale
emen gabiltza saltoka
jota kale.

3

Tilin...talan... kanpanen
eresia
jendearen poza ta
irrintzia;
elizatxotik deika
Gurutzia
zer da gaur onen egun
berezia?

4

Gurutze doitsu laguntz
emailea
zeralako zu gure
maitalea;
emen dator gaur zure
artaldea
goratu nairik «Jesus»
zaitzailea.

5

Zure goi maitasunez
zoratuak
gaude lezotar fedez
berotuak;
Zure oñ, eta esku
zaurituak
izan bitez gaur bertan
sendatuak.

6

Gurutz iltzatutako
Jesus ona
bete ditzazu gure
bear danak;
eta eskeñiko dizugu
biotz bana
zuri arintze arren
neke-lanak.

DANIEL GARBIZU SALABERRIA «Iruzuki»
«Bertsolariya» (1965-XI)